


LICENSED PRODUCT
Black
3/Color
White
Magenta
Red
Yellow
Green
Cyan
Blue



ル 5
3191
1



西域聞見錄

上



古柏軒堂

門 凡 5
號 3191
卷 1

西域聞見錄

昭和十五年
四月五日
購求

C. NARAHARA
陳 疏
庫

方 疏 在 田
邑 均 之 一 身 眇 然 一 塵 耳 而 目 能 視 若 或 見 之 從 目

讀 士
和 之 鄰

地 在 天 之 中 彈 丸 耳 中 原 在 地 之 中 一 隅 耳
治 目 域 於 形 隔 蔽 之 矣 而 耳 能 聞 衆 目 所 見 皆 可 因
響 以 得 其 情 從 耳 治 余 生 於 燕 長 遊 於 宦 秦 晉 齊 楚
吳 越 之 郊 轍 迹 幾 徧 南 及 嶺 表 東 越 醫 無 問 渡 遼 水
而 嬉 壯 年 復 西 出 陽 關 逾 河 源 三 千 餘 里 而 居 於 殊
異 之 鄉 目 見 夥 矣 性 復 好 知 鄙 事 耳 聞 且 復 嗑 然 中
國 九 州 紀 之 典 故 者 既 確 且 詳 而 伊 吾 以 西 不 常 見

西域聞見錄序

西地聞見錄序
於簡冊列史所載証以目之所見既多齟齬而未安
意者滄桑之變人事之各不相蒙耶我

皇上神聖文武卓越前朝西陲疆域開擴萬里自古之
險遠不到兇頑負固之地莫不歸入版圖而言語侏
儻衣冠詭異之倫罔不匍匐稽顙諸臣僕且懷

德畏威者徧及於西海之濱爰

命廷臣緝纂圖誌一時載筆之士巨構鴻裁煌煌乎輝
耀千古矣然里巷墳冢之事殊方猥鄙之情或棄擲
而不言或采擇所弗及而游於其地者歸述於人非

附會之失真卽抑揚之過當最足以誤聽聞余居其
地最久考究最詳於是不辭冗俚作爲是編目見存
矣而耳之所聞少無可據則置之旣無左氏浮誇之
才敢爲鄉衍荒唐之論哉

乾隆四十二年歲次丁酉十二月十九日椿園七十
一序於復四山房

西域聞見錄目

卷一

新疆紀略上

卷二

新疆紀略下

卷三

外藩列傳上

卷四

外藩列傳下

卷五

西陲紀事本末上

卷六

西陲紀事本末下

卷七

回疆風土記

卷八

軍臺道里表


西域聞見錄卷首

輿圖


國家平定準噶爾之地測量星野考稽古典易其名曰伊犁曰烏魯穆齊及平定西域諸回部自嘉峪關外舊部若哈密若闐展若吐爾番新疆若哈喇沙拉若庫車若阿克蘇若烏什若喀什噶爾若葉爾羌若和闐咸列版圖均為內地繪其大略以見

聲教之所訖焉






西成開見象輿圖



西成開見象輿圖



西域聞見錄卷一

長白七十二椿園著

新疆紀略上

雪山

雪山自嘉峪關起龍蜿蜒而西或起或伏或斷或續或
 折而三或聚而一或崖然峩聳千插雲天或散漫平岡
 迴環千里山南為哈密為闢展為哈喇沙拉為庫車為
 阿克蘇為烏什為葉爾羌為和闐為喀什噶爾其餘小
 城無算皆回人聚居所謂南路也山北為巴里坤為烏
 魯木齊為伊犁為塔拉巴哈台其餘小城亦無算為準

噶爾故地所謂北路也雪山之在中國者嘉峪關外東西綿亙九十餘里爲南北兩路之分界至葉爾羌愈遠峻西南折入溫都斯坦復折而西直達西海不可考究矣其最大而著名者於烏魯木齊爲博克搭班三峯孤峭冰雪晶瑩望之如琉璃插天隔蔽日月於哈喇沙拉爲莫勒士斯圍逾千里水暢草肥宜於遊牧於伊犁烏什之交爲穆肅魯搭班其山皆冰望之如銀南北兩路之衝衢也於葉爾羌爲米勒台搭班山中皆玉又西復作冰山尤險阻爲葉爾羌溫都斯坦往來必由之孔道

更有玉山在焉其山自古積雪冰雪之水自山陽而下冬夏湧流散漫於南路各城以資灌溉諸水皆聚於賀卜諾爾賀卜諾爾者譯言星宿海也泉水黃赤湧地而出望之如列星散布復經諸山冰雪之水匯歸流入中國卽黃河也自後藏西南溫都斯坦各國雪水經番地流入中國川江益東匯爲揚子大江也

椿園氏曰案竹書周穆王十七年王西征崑崙見西王母神其說者謂穆王享王母於瑤池之上賦詩往來辭意可觀尤多閔誕之文山海經則以崑崙在西

海女荒之外而司馬遷云自張騫使大夏之後窮河源惡睹所謂崑崙者乎或曰張騫僅至大宛未能窮崑崙之跡迄今去長安四萬里之地多有經其山川風土而傳之者又烏覩所謂崑崙者乎葉爾羌西北雪山其古之所謂葱嶺者與

哈密

嘉峪關外沙磧千里乏水草絕人烟自古然矣前漢有事於邊陲置安西燉煌之郡我

皇上開闢新疆以來西北數萬里盡入版圖邊外近地編氓之聚族而居者日以加繁因時制宜治以守令矣於關之西二百九十里設玉門縣治又西三百里設安西府治附郭之縣曰淵泉乾隆三十九年改安西府為安西直隸州縣裁鎮將同城焉州西疑即疏勒故國蹟雖莫考而其水猶呼為疏勒河也州南六百餘里即沙州並新設之燉煌縣治其地沙磧尤甚所產之瀚海石極佳沙州東行四日即陽關故址雖存今非大路之所經名不著矣州有泉一區深二三尺偃月形俗呼為月牙泉極甘冽四圍流沙廣漠無垠深不可測鎮石泓然

西域圖志卷之二
古稱陽關之西有不滿之沙井得毋卽此哈密城在安
西之西九百里古之回國也前明已隸中夏所以有赤
金之衛沙州之衛哈密之衛重兵駐守至今故壘烽臺
遺蹟處處可考 國初歸入 王化遂爲臣僕康熙時
準噶爾恃其強盛與中國爭哈密之地賊勢猖獗逾哈
密而東犯回衆流徙是以我

聖祖仁皇帝及

世宗憲皇帝 天兵西下額魯特鼠竄棄巴点錯而逃
當時軍事所需皆由哈密轉運設糧餉大臣二員專司
其事乾隆十九年阿睦爾薩納來降

上命定遠將軍班第掃蕩伊犁軍出嘉峪關哈密爲錢
糧總匯之地其後額魯特之亂霍吉占之亂 大兵累
歲進勦哈密之轉輸尤亟至今西域各城歲需帑項仍
由哈密撥解建城一處周四里有奇駐扎總理糧餉大
臣二員仍沿其舊設管糧通判一員又設副將一員都
司一員兵一千依內地營汛之制西關外商賈雲集百
貨俱備居然一大都會矣城西五里餘卽哈密回城其
王曰伊薩克

上所賜之爵也所轄回城六曰哈密曰素木哈爾灰口
阿思他納曰托哈奇曰拉珠楚克曰哈拉托巴所有回
戶皆伊薩克之阿拉巴圖奴也人戶寡弱不滿二千家皆
貧窶不能自給語言與外疆之各回不通衣服相似但
帽圓翅短耳夏極熱冬極寒土產二麥穀糜瓜蒲桃北
界巴里坤南界闕展為關外第一要衝

椿園氏曰哈密古之回國於唐最盛自茲以西數萬
里皆回紇部落而哈密北魯番近邊當額魯特數十
年入寇之衝以故貧苦衰弱不能自存今之子遺皆
聖天子覆載而生成者

巴里坤 烏魯木齊

在哈密西北三百里準噶爾故地也雍正間 大兵進
勦驅逐額魯特西去以此地南界哈密北隣喀爾喀西
接烏魯木齊進可以攻退可以防為南北兩路適中緊
要之區故設重兵以防守之設領隊大臣一員攜眷滿
兵一千綠營設總兵官一員標兵三千民戶之移駐既
多天時之寒暄亦易地本極寒五六月間猶飛雪霰尙
霑裘禦近年以來二麥穀糜漸可樹藝乾隆三十九年

西城關東金卷一
復設宜禾縣治縣西八站建城曰古城設領隊大臣一員攜眷滿兵一千以聯絡各城之勢西卽奇台廳今改縣土產野牲最多松多白蘑菰

烏魯木齊亦準噶爾故地及平定伊犁額魯特種人皆勦滅千里空虛渺無人烟乃於紅山嘴之下建築城垣設辦事大臣一員其地山川靈秀沃野千里草肥水甘足資耕收乾隆三十年設都統一員領隊大臣二員駐劄其地去舊城八里八山岡之上另建城垣周十里有奇

上賜名曰鞏固城移駐攜眷滿兵三千協領等官七十八員攜眷漢兵二千參游等官百餘員文職設哈巴巡道一員京都司官二員筆帖式三員辦理印房事務同知一員理民戶紅山嘴舊城設提督一員兵五千三百副參等官百餘員邇來甘省民戶移駐數千家及內地發遣人犯數千皆散處於昌吉瑪納斯等處開墾草萊充斥其地爲四達之區以故字號店鋪鱗次節比市衢寬敞人民惟蕪茶寮酒肆優伶歌童工藝技巧之人無一不備繁華富庶甲於關外紅山嘴上有廟一楹紅泥

聖壁故俗呼烏魯木齊爲紅廟兒也乾隆四十年改同知爲直隸迪化州屬阜康昌吉兩縣建立賢宮及文武二廟州學縣學歲取諸生十餘名彬彬乎玉帛鼓鐘聖教覃敷其地矣城西一帶沙岡環繞其下產煤盛旺城東南卽博克搭班三峯入雲冰雪晶瑩望之如琉璃世界靈蹟最著故俗以靈山呼之

上賜名曰福壽之山土產野牲雉羣飛肥如蠟裹又產阿魏壓油鳥取松皮爲膏謂之松樹膏能已癆瘵疾

椿園氏曰巴里坤烏魯木齊依雪山之背故嚴寒大

雪然地平坦水草足額魯特之所遊牧齊克搭班之北有漢文碑一通載其地之沙磧險遠字跡剝落不知爲何代物亦不載其樹碑之由自歸王化以來二十餘年氣候漸和五穀皆生置郡縣設守令鎮以重兵統以親信大臣一時之鉅制雄圖煌煌乎規模宏遠矣

伊犁

伊犁準噶爾故地也爲其汗之巢穴乾隆十九年阿睦爾薩納與準噶爾汗達瓦齊不和率其部落赴歸化城

款關內附

上受降 命將征討擒達瓦齊盡有其地後累經畔亂
準噶爾男婦近百萬人皆伏誅地盡空虛

上命定邊副將軍領滿漢官兵駐劄伊犁而控制鎮扼
之總統南北兩路其駐防之參贊大臣都統辦事大臣
領隊大臣綠營之提督總兵均受節制管轄額魯特土
爾扈特及回子各城並外藩之汗王貝勒貝子公台吉
等各部落乾隆二十九年於伊犁川建城周十八里有

奇

上賜之名曰惠遠城將軍旣建牙於此其索倫贓伯察
哈爾額魯特回城之各領隊大臣均隨將軍駐劄城內
印房京都司官四員筆帖式四員管糧司官一員撫民
同知一員巡檢二員卡倫侍衛三十餘員節年以來於
西安涼州莊浪之駐防滿兵陸續攜眷移駐三千八百
名協領等官一百二十八員均住城中發遣內地犯人
二千餘名應役於是官兵旣衆商旅雲集關外巍然一
重鎮矣而滿漢索倫贓伯察哈爾額魯特回子兵衆環
繞分布於城垣之外者亦風雲虵鳥之奇惠遠城東十

五里有培塿焉爲控俄爾鄂羅之山其下多煤其陰產
鐵又東五十五里曰巴彥帶建城焉

上錫惠寧城之名駐防領隊大臣一員協領等官五十
餘員兵千九百又東十五里有回城曰固爾扎又東百
八十里有山曰哈什迴環數百里其上多銀多野牲將
軍圍場托其中有城焉曰哈什回子之城惠遠城東北
四百里有川名博羅他拉駐防察哈爾攜眷兵一千遊
牧其地總管副總管領之其北爲哈布他海之山溫泉
出焉浴之已寒溼之疾其南有巨澤曰賽里木潭兒其

神青羊大角而多鬚見則雨雷惠遠城北四十里曰他
爾奇之城又北二十里曰烏哈爾里克之城屯田所也
綠旗兵二千六百流犯千餘屯田二十六工副參等官
百二十員總兵一員統之又北爲阿拉瑪圖之山有泉
出焉南流爲烏哈拉克之河環城西北來開渠引之
入城城無井泉官兵賴之南流而入於伊犁河又北爲
他爾奇之山多果木又東北爲莫懷圖之山生土蚰見
馬則其頭入土其身豎立馬腹膨然不能行倒則鑽馬
鼻而監其腦又北爲庫車托木之山產元獺歲採入

貢又東北爲擠拉噶朗之山庫色木克什之山產蘋婆
及杏多熊冬藥草山花冬夏溫和別有天地焉惠遠城
南多雉兔一里卽伊犁河其水自哈什丕爾沁山河竝
山泉之水匯爲巨流迅急湍激渡資舟楫中多白魚鯊
魚水獺西北流過伊犁七百里入沙而伏河之南川平
廣有八堡焉駐防攜眷席伯兵一千分八旗總管副總
管領之回人亦雜耕其間其東皆深林豐草多狼多野
羊其西皆葦湖多黃羊野豕城西皆平原川曰賀勤果
斯四百里川名齊七罕駐攜眷索倫兵六百達呼里兵
四百總管副總管領之伊犁幅幘寬廣山徑龐雜西北
西南皆外藩北隣塔拉巴哈台南界回疆東接烏魯木
齊爲西北屏藩軍台十二沿邊卡倫三十規制極爲周
密地本準噶爾巢穴人資游牧無事耕耘今大兵旣
駐其地皆需穀食因設屯田之法開墾荒蕪回民六千
戶種地納糧僅足支用各官俸薪兵丁鹽菜必需於內
地每歲例調內地銀五十餘萬兩紬緞數萬匹與哈薩
克交易牛羊馬匹變價充餉又牧關稅地基銀四萬餘
兩及回城所交棉花布匹等項始能足一歲之用錢價

昂貴三十九年 奏准歲糧折阿克蘇葉爾羌布古兒
各城銅七八千觔開局鼓鑄日寶伊之局歲撥領隊大
臣一員領兵五百巡查哈薩克布魯特一次即收取其
賦稅牛馬百取一羊千取一額魯特台吉回城伯克俱
隨年班入 觀哈薩克三年一次入 觀惟布魯特有
來 朝覲者亦隨年班入京無一定之例

椿園氏曰中國土宇之廣狹惟帝王之德有優劣自
古言之矣我 國家肇基東海積功累仁

世德綿遠茂膺

上蒼之眷顧奄撫中夏之黔黎

列祖

列宗深仁厚澤極山薄海悉主悉臣固已邊幅擴於
前朝隆規軼於百代矣我

皇上載 飛龍於九五承 丕緒之恢張 廟算無

遺歸版圖者盡萬里戎人之界偏師一舉附編氓者

極百城回鶻之邦豈獨版章雄百代之先實亦 神

聖邁三皇而上矣方阿睦爾薩納款關來降一時廷

臣疑議不一正亦無怪其然夫犬戎猥允侵擾於周

囚奴單于猖獗於漢自來無以制其命數世不克定
其規如謂一旅之師掃兇頑如秋葉數年之內擴土
宇於遐荒則勇者不敢決其必成智者不能料其究
竟者也我

皇上哀衷睿斷大計 天開 命將而整師徒 臨

軒而授方略間有跳梁必嚴撻伐苟深愛戴厚 予

生成春雨秋霜 德侔天地洗心革面 化被窮荒

闢數萬里之新疆昭于古代之創舉豈臣工所得窺

其 高深者哉然地居邊鄙之陲惟切機宜之鎮密

事懸萬里之外非可乞 旨於 堂廉執其事者善

其成居其任者稱其責則萬年鞏固之庥也

撻拉巴哈台

撻拉巴哈台亦準噶爾故地也其種人曰打什達瓦亦
額魯特之屬地曰雅爾又曰楚呼楚即阿睦爾薩納當
年游牧之處乾隆二十年後準噶爾破滅阿睦爾薩納
北走其地空虛 大兵平定伊犁以其地據嚴疆土宇
廣闊南至伊犁十八站北至哈薩克七日西至哈薩克
三日東北去鄂羅斯境不滿五百里兩國之卡倫相望

為北鄙緊要之區新疆屏藩之地因設參贊大臣一員
領隊大臣一員初在西北屯劄極寒冬雪盈丈夏多毒
虵且多白蠅為害甚鉅飛觸人畜眼角輒遺蛆而去非
以膠黏之不出後故移駐於楚呼楚

上賜名曰撻拉巴哈合建築城垣周迴數里設司官二
員筆帖式三員同知一員聽差及卡倫侍衛七員官兵
既駐皆需穀食設屯田漢兵一千參將游擊領之伊犁
滿洲蒙古兵輪班調撥一千五百防守其地協領領之
歲調餉銀數萬兩以充奉餉綉緞數萬匹與哈薩克交

易牛羊駝馬變價充費乾隆三十六年土爾扈特來降
其親王策伯克多爾濟之部落三千餘口安插於城東
四站賀伯克薩里地方恣其遊牧產鱒魚鯊魚水獺及
諸野牲多熊色蒼黃多麀數百為羣俗名四不像有烏鳥毛
似鷄大有筋許味甚美常栖樹杪故名樹鷄鴨綠色似
鸚鵡羽可作扇似翡翠但微冗耳

椿園氏曰撻拉巴哈台西北邊之巖疆也與哈薩克
鄂羅斯地界相連然哈薩克臣服中國傾心向化
不有二心而鄂羅斯方困於控噶爾竭力支吾自保

不暇又何敢生事故雖極邊要害之區轉堪高枕臥
理且河水暢流足資耕漁之利山場豐美尤多獵取
之禽亦富厚安靖之邊疆也第奇寒大雪地處偏隅
哈薩克額魯特之外人迹罕到則一荒涼之世界而
已

西域圖見錄卷第一

西域圖見錄卷二

新疆紀略下

關展

關展回城土爾番阿奇木伯克所屬雍正間額魯特繹
騷其城其酋伊敏和卓率其人民投誠歸化因移其人
於安西沙州以避準噶爾之殘暴乾隆二十年後大
兵掃蕩伊犁土爾番人眾仍歸故土其後續定回疆伊
敏和卓從之奔命著有勞績累受郡王之封關展雖極
小回城而地常孔道東去哈密七百七十里為南路要

西境聞見錄卷之二
衝故建築城垣周五里有奇設辦事大臣一員司官一員筆帖式三員管糧同知一員吏目一員城守都司一員千把總五員兵三百五十轄軍站六台又西二百六十里爲所屬土爾番回城

土爾番者伊敏和卓之子公蘇拉滿所居之處也統轄回城六曰土爾番曰闕展曰魯古沁曰色更木曰托克遜曰哈拉和卓六城回人皆蘇拉滿之阿拉巴圖世襲土司非回疆各城隨時陞調去留之可比人戶惟土爾番最多然合而計之亦不過三千餘戶耳更多貧苦不能自贍夏極炎熱火繼當天炎風匝地東南一帶沙山絕無草木日光照射尤不可耐俗名火燄山冬日無祁

寒大雪土產麥穀胡麻而甜瓜西瓜葡萄種類甚多無不佳妙甲於西域土田肥沃亦多棉豆之利土爾番之北一里許多怪風往往驢羊吹去無蹤南皆戈壁野駝野馬百十成羣哈拉和卓卽漢都護班超駐劄之所又西南五百餘里爲賀卜諾爾回城

賀卜諾爾者卽世傳黃河之源星宿海也自闕展西至和闐四五千里之南自和闐南至後藏四五千里之東

周迴萬里皆星宿海之海渺無人煙間有道途非戈壁
卽泥淖直峯側嶺曠野平川無地非泉或如鏡懸或如
瀑布或萬點湧地而出如珠之走盤或錯落散布而來
如星之躔度水色赤黃數其泉不可以萬千計派流莫
考沮洳無垠無一非夾淤夾沙洄湧旋流之水加以雪
山之陽回疆數千里各河東南長趨俱匯於賀卜諾爾
爲黃河極大之湖潑洞淳滄旋轉而伏其東其北皆峻
嶺高峯以障蔽之數百里出山始見黃水一線日山下
湧出如溝渠耳東北流入中國卽黃河也有村二處皆
名賀卜諾爾各四五百家其人不耕不牧惟以魚爲生
織野麻爲衣取天鷲絨爲裘藉水禽翼爲卧其語言與
回子通不解諷經禮拜之事時有至庫爾勒回城者不
能穀食肉食食卽大嘔以庫爾勒多魚故來他處則不
敢往其地設五品伯克一員屬闕展大臣管轄時赴闕
展謁見則裹魚以爲糧

椿園氏曰古云葱嶺之水東注河源西歸洋海今履
其地而驗之信然夫黃水之在賀卜諾爾爲宇內最
大之湖洞庭彭蠡合而一之不敵其半羣山擁遏伏

流千里而後由積石入中國亦祇一線耳寧夏之人
且灌且淤大亨其利至中州則浸淫瀰漫爲南北兩
岸之害九河之故道旣湮隄防帶壩皆障水之遺法
然亦無可如何耳關展東北山有風穴故數百里內
冬怪風或黑或黃掀山飛石至其地之溽暑非常則
又理之所不可解者矣

哈喇沙拉

哈喇沙拉辦事大臣駐劄之所城係中國創建東西南
三門周僅三里亦極卑薄去土魯番八百七十里設大
臣一員司官二員筆帖式二員屯田防守兵二百遊擊
領之城中回人及土爾扈特人等雜處初係回城土宇
寬廣著勒土斯山場迴環千里草肥水甘多野牲足資
遊牧開都河水暢流足資灌溉以故人戶繁盛果木黍
稷盤空被野夙稱富庶之邦乃準噶爾恃其強橫占據
其地爲牧場回民不堪其擾死絕逃亡地遂空虛及
大兵定伊犁以其地要害因設辦事大臣一員駐劄後
土爾扈特來歸遂將其汗烏巴錫部落霍碩特貝勒恭
格部落安插於著勒土斯恣其遊牧教之耕種京差侍

衛三員管理其人開都河南北兩岸及著勒土斯牧場
氈帳雲屯皆伊等所居也數年以來漸知稼穡然其人
貧而惰性喜盜掠商民及回戶頗受其害婦女尤不知
恥到處可以宣淫而鍼帶女工則遠勝於回戶也極貧
之男婦子女多鬻於各城回人爲奴而盜馬竊衣遺竄
不知所往者復踵相接也狡詐回子亦重價輾轉販賣
於巴達克善溫都司坦等處從中漁利馬潼爲酒謂之
氣可牛乳爲酒謂之阿拉占敬喇嘛與額魯特同西南
一百五十里爲庫爾勒回城

庫爾勒回子七百餘戶多惰蘭回人無內地官兵防守
設三品四品五品六品伯克各一員餘皆七品地方遼
闊開都河水潏繞多魚鰕蘆蒲鴨鷓成行土產稻
米二麥集吉草可以爲箸多葡萄瓜果其人好訟不知
禮法又西五百九十里爲布古爾回城

布古爾回城舊有回子二千餘戶後經逆匪霍吉占叛
亂大兵進勦布古爾適當其衝逃亡略盡僅存百餘
戶歸入庫爾勒居住息兵之後始徙惰蘭回子五百戶
實其地惰蘭者回子中別一種也爲霍吉占親近牧馬

畜鵠之戶性狡詐喜訟回子中最高為頭額設三品至
四五六品伯克共五員餘皆七品無內地官兵事務同
庫爾勒總歸哈喇沙拉大臣管理土產羊皮酥油狍狍
獐紅銅城之南皆戈壁馬行三四日山場豐美多野牲
益南則沮洳近星宿海矣其地蘆蕩蒲灘綿渺無際為
西入回地之咽喉其自葉爾羌和闐阿克蘇喀什噶爾
沙雅爾等處來者雖由山徑荒灘亦必終歸於布古爾
葦湖之土橋過渡舍此別無路徑也

椿園氏曰哈喇沙拉相傳為焉耆故地要亦毫無考
據大抵數百年來皆回入境土明季為準噶爾吞踞
夫邊外之土無不可以耕種者顧少雨澤而地乏水
故土曠而人稀此地川平土沃大水潑洞可庶可富
之國也今土爾扈特霍碩特安插其地實為樂土之
可居而其人游惰不能盡力耕作自食其力男則盜
劫以為能女則賣姦而不恥則亦戎人之敗類而已
矣

庫車

布古爾之西三百里有回城曰庫車古龜茲國也方城

四門依山岡為基周九里餘皆柳條沙土密築而成望之巍然如金湯之鞏固駐防大臣一員司官一員筆帖式二員管糧典史一員城守兵三百都司守備領之軍台十處額設三品阿奇木伯克一員四品伊什罕伯克一員五品噶雜納齊伯克一員尙伯克一員六品海子伯克一員餘皆七品今其阿其木伯克為賞戴二品頂翎之阿克伯克也官兵回戶其居一城之中城鄉回子一千餘戶歲納糧二千石充官兵口糧銅一千八十觔解送烏什鑄錢硝二百觔磺三百觔解送伊犁備辦

火藥幅幘寬廣地扼衝衢為西入回疆之門戶南數十里卽戈壁馬行三日山場豐美多野性無人烟益南則沮洳近星宿海矣土產塔連布銅硝磺礮砂出礮砂之山在城北山多石洞春夏秋洞中皆火夜望如萬點燈光人不可近冬日極寒時大雪火息土人往取砂赤身而入砂產洞中如鍾乳形故為難得也天少雨歲不過微雨一二次或竟終歲不雨耕種皆資灌溉無井泉城西卽渭干大河回人亦熟於開渠引水之法故種植多穫其地諸果皆盛城北二十里有小佛洞城西六十里

有大佛洞山之上下前後鑿洞四五百處內皆五彩金粉繪爲佛像最高一洞三楹壁鑿白衣大士像漢楷輪迴經一部鐫壁上相傳唐人所爲城東南十里有頽城一段長五里許堅實高厚雉堞猶存土人謂漢時屯兵之所然亦無可稽矣西南北六十里爲沙雅爾回城椿園氏曰庫車之托回疆名城也回人三五萬戶經霍吉占之亂城中幾無孑遺所餘僅千戶耳大兵圍庫車之時城中只有羊七隻牛二頭自底定以來滋養生息家給人足迄今最貧苦之小回亦有牛羊

駝馬出有衣入有食吉凶皆能成禮歌舞昇平矣

沙雅爾小回城也歸庫車大臣管轄不設官兵唯設三品伯克及四五六品伯克各一員餘悉七品城南緊依渭干河岸城垣傾圮荒涼一村堡耳回子七百餘戶歲納糧千餘石銅硝磺之數較庫車減三分之二地下溼炎熱宜於粳稻瓜果皆佳而梨尤精絕多虎產猓獬獠狐狸近城皆葦湖故夏苦蚊如霧如塵日晡尤甚回人以布爲幙日夕男女皆入幙中避之滿城牲畜咆哮遍身流血二更後始定其人村野椎魯然亦健訟婦女皆

好顏色悉端麗無甚醜者其南近賀卜諾爾渭干河之所歸也西南馬行八日至和闐東南馬行二十八日至

西藏

椿園氏曰事每僨於所忽況放恣於臨事之際哉霍吉占既叛以庫車衝要故專之寄用其黨人其所謂阿布都克里木者狡黠兇狠之尤及霍吉占自葉爾羌來悉其精銳與一大兵抗衡亦一時頑劇之寇而雅爾哈善將萬餘綠旗之兵涉數千里沙漠之地臨敵決策摧朽拉堅使霍吉占之心腹爪牙大半就戮亦有足多者矣迨至逆賊糧盡勢窮力不能支使其弟兄於庫車就擒不但回疆之定無勞再舉且使背逆之寇顯服王章豈非一時勞績懋著者哉顧乃趾高氣揚輕敵縱寇使既困之獸挺而走險豕突狼奔投荒而竄以致大兵數動日月遷延而後罪人斯得伊誰之過歟身膺國憲之誅事爲天下所恨非其才之不足則亦放恣而不能敬事之所致也

烏什

烏什本係回城回人謂之土爾番土爾番者回言都會

也地在庫車西北千里城依南山諸峯環抱大河滌繞其北戶口水數萬準噶爾時最爲表著其阿奇伯克霍吉斯準噶爾汗達瓦齊之所立也 大兵破伊犁達瓦齊奔至烏什霍吉斯憑其詐力擒達瓦齊父子以獻身受 王封回人多不義其所爲霍吉占叛逆自庫車逃往阿克蘇烏什兩路之人亦未從之作亂而霍吉斯暴戾不馴反覆不可專任 上乃召霍吉斯入京以哈密回子阿布都拉爲烏什阿奇木伯克阿布都拉貪酷所用皆哈密回子殊多擾攘而烏什辦事大臣蘇成尤兇淫殘虐回子苦之遂聚衆叛殺蘇成及阿布都拉在城官兵皆被其害時南路之參贊大臣鄂世通駐劄喀什噶爾以罪誅伊犁將軍明瑞參贊大臣永貴討平之回戶盡行誅戮因移總理回疆之參贊大臣駐之地僻不臨大路城內無回人居住設協辦大臣一員司官三員筆帖式三員侍衛六員滿兵二百協領領之漢兵一千副將領之有屯田牧場軍台錢法諸務局鑄乾隆通寶普兒每文重一錢二分抵銀一分每百謂之一騰格回子私用每五十謂之一騰格哈喇沙拉普兒與制錢通

用幅幘遼廓北界冰山南皆平川沃野管轄烏什阿克
蘇拜賽里木四城其地山場豐蔚葦蕩深邃皆布魯特
遊牧其中外藩貿易人來皆有應納之稅十分取一乾
隆四十年

欽賜烏什名曰永寧城參贊大臣既駐烏什各城重大
機務均俟裁決六次回城之三品四品伯克缺出皆參
贊定擬與本城大臣聯銜 奏請補授每年各城有六
品以上之伯克一員二員隨領班之大伯克入 覲謂
之年班亦由參贊派定八月中旬齊集阿克蘇候參贊
大臣來犒賞牛酒遂領帶班之侍衛領之入京其領班
之大伯克六人一葉爾羌之阿奇木伯克貝勒鄂對二
喀什噶爾之阿奇木伯克輔國公色提巴爾第三阿克
蘇之阿奇木伯克二等台吉鄂斯滿四庫車之阿奇木
伯克二品頂翎阿克伯克五英阿薩爾之阿奇木伯克
二品頂翎蘇爾坦和卓六和闐之阿奇木伯克邁達雅
爾六人輪班入 朝亦參贊定擬春參贊西至葉爾羌
喀什噶爾巡查回子布魯特事務秋東至哈喇沙拉巡
察土爾扈特霍碩特耕牧情形收成分數以行賞罰歲

以爲例烏什 關帝廟壯麗歲三致祭冰山歲遣官一
致祭永寧城外卽烏什回子村落也烏什回子已於乾
隆三十年叛亂案內誅之盡絕矣惟綠營屯兵四百耕
其荒廢之地嗣於阿克蘇葉爾羌和闐喀什噶爾四城
徙回子五百戶於城外種地納糧設五品阿奇木伯克
一員六品海子伯克一員七品明伯克一員管理其人
回戶各就所耕之地分布散處無城堡村聚數年以來
漸有田園屋宇果木成林安於樂郊矣永寧城東二百
里爲所屬之阿克蘇

阿克蘇回子一大城也人二萬餘戶土田廣沃芝麻二
麥穀豆黍棉黃雲被野桃李杏桑梨石榴葡萄蘋婆瓜菜
之屬塞圃充園人人富厚牛羊駝馬所在羣聚尤多技
藝之人攻玉製器精巧可觀繡鹿革爲鞵鞍轡修整爲
各城翹楚風俗淳厚然亦喜訟易惑亂回子之陋習也
地當孔道以故內地商民外番貿易鱗集星萃街市紛
紜每逢八柵爾會期摩肩兩汗貨如霧擁設遊擊一員
稽查往來路票彈壓地方理台站伯克設三品一四品
一五品二六品一餘皆七品今其阿奇木伯克爲二等

台吉鄂斯滿也土產梨最佳歲充土貢又東四百五十里為拜城拜富厚也

拜回子小城也人四五百戶地寒糧米瓜果甚稀當孔道無官兵防守設四品五品六品七品伯克共五員拜城回子多烏什人為霍吉占祖父所惡逐居於拜轉得逃誅亦天數也又東八十里為賽里木

賽里木回城亦屬烏什托庫中西北二百十里乾隆二十三年大兵至庫車賽里木回子首先迎降地當孔道在雪山之麓故寒八九月間木葉盡脫果木稀少所

樹惟一麥豌豆甜瓜葡萄餘不可種土產銅硝攻玉之砂官設遊擊一員土官設二品至七品伯克共十一員

風俗淳朴無回子惡劣之習喜暢飲酣歌與庫車相似椿園氏曰烏什為參贊駐節之所總理各城庸回疆之重任雖受伊犁將軍節制而回疆重大機務實為參贊專責皆毋庸會商將軍而後行猶內地督撫之分省而治也

葉爾羌葉爾謂地羌寬廣之謂

葉爾羌回疆一大城也回人呼之為葉爾奇木為霍吉

占祖孫父子之巢穴其居室壯麗綠琉璃瓦覆之今爲糧餉局矣園亭寬敞今修爲辦事大臣衙署城池深固周十數里平定回疆以來參贊駐劄於此後移於喀什噶爾又移於烏什此地設辦事大臣二員司官二員筆帖式二員卡倫侍衛十員卡倫八處軍站十三台滿兵三百協領領之城守漢兵六百五十五參將領之王賊三萬五千三百七十兩糧三萬五百四石黃金三十兩清油八百觔稅銀一千六百四十九兩畱充本城公用官兵鹽菜口糧又折收回子布五萬七千五百六十九匹棉花一萬五千觔布袋一千四百三十二條麻繩一千二百九十七根銅三千觔一併解送伊犁葉爾羌土地平曠東接烏什西界八達克善南控和闐北隣喀什噶爾西南與外藩接壤辦事大臣所轄回城十處曰葉爾羌曰哈拉噶里克曰托古斯堪曰三珠曰契潘曰搭克曰克可爾玉拉克曰火沙拉克曰巴里楚克最遠一城在葉爾羌西馬行十日界乎八達克善曰賽闊羅十城各有阿奇木伯克白三品至五品不等而葉爾羌最爲大城設三品四品伯克各一員五品二品六品

一員餘皆七品今其三品阿奇木伯克為貝勒鄂對也
 人丁七八萬戶九城各千戶官兵居城之一隅餘皆回
 人比櫛而居幾無隙地中國商賈山陝江浙之人不辭
 險遠貨販其地而外藩之人如安集延退罷持郭酣克
 什米爾等處皆來貿易八柵爾街長十里每當會期貨
 苦雲屯人如蜂聚奇珍異寶往往有之牲畜果品尤不
 可枚舉其人循謹敬中國之人愛戴官長性懦怯習技
 巧尚宴會婦人善歌舞能百戲如打觔斗踏銅索諸戲
 皆有可觀但家風兼并習染成風伯克土霸王增其富
 小戶回子少有積蓄輒為所咀嚼以故人戶雖繁不能
 殷實多貧乏之人風尚淫佚喜男色有閩廣之風回童
 少娟秀者輒不得免然亦修飾姣媚與人燕好土產米
 穀瓜果甲於回地其地有河產玉石子大者如盤如斗
 小者如拳如栗有重三四百觔者各色不同如雪之白
 翠之青蠟之黃丹之赤墨之黑者皆上品一種羊脂朱
 斑一種碧如波斯菜而金片透溼者尤難得河底大小
 石錯落平鋪玉子雜生其間採之之法遠岸官一員守
 之近河岸營官一員守之派熟練回子或三十人一行

或二十人一行截河並肩赤脚踏石而步遇有王子回

子即脚踏知之鞠躬拾起岸上兵擊鑼一棒官即過硃

一點回子出水按點索其石子去葉爾羌二百三十里

有山曰米爾台搭班搭班亦作達坂回言山也徧山皆玉五色不同

然石夾玉玉夾石欲求純玉無瑕大至千萬觔者則在

絕高峻峯之土人不能到土產犛牛慣於登陟回子攜

具乘牛攀援鉗鑿任其自落而收取焉俗謂之礫子石

又曰山石每歲春秋二季葉爾羌貢玉七八千觔至萬

觔不等葉爾羌和闐玉璫哈什哈琅圭塔克河中所產

之玉無一定之額儘數入貢由台站輦送至京私玉之

禁甚嚴台卡例應稽查然而好回私採奸商私帶涉險

作巧又有不能盡除其弊者南七百里為和闐回城

和闐亦回疆之一大城也南行二十日即後藏北距葉

爾羌七百里西皆崇山複嶺與外藩道路不通東皆戈

壁沮洳之場近星宿海矣地僻事簡僅設領隊大臣二

員綠營兵二百三十二均屬葉爾羌大臣節制所屬回

城六日和闐曰至璫哈什曰噶拉噶什曰齊喇曰噶爾

雅曰他賀卜伊六城均有阿奇木伯克三品至五品不

西域圖志卷三
等稱之曰和闐總名也土田平曠沃野千里戶口繁多
皆出玉子多於葉爾羌瓜果咸備風俗淳朴無游惰浮
華之習男力爲耕作女勤於刀尺原蠶山繭極盛所織
紬絹繭布極縝密光實可貴或曰和闐卽古于闐而回
人稱漢人爲赫探漢任尙都護西域遺其人衆於此和
闐回子皆其遺種故回子呼之爲赫探城和闐赫探之
訛音也

椿園氏曰或傳葉爾羌爲古罽賓國或謂卽大食月
支之地古云崑山之璞抵烏葉爾羌之米勒台達坂
山巔水溜莫不產玉以至和闐皆然或卽古人所謂
崑崙者歟地處極邊風尙殊異且與外國多通貿易
衣冠詭譎形貌奇異之人往往而有之矣

喀什噶爾

喀什謂各色噶爾謂磚房地多名色
磚房故名亦言其富庶之意而已矣

喀什噶爾回疆之一大城也外藩人稱各城回人必曰
喀什噶爾回子則其地之表著可知矣地爲西域極邊
西北一帶雪山外皆外藩矣設辦事大臣一員協辦大
臣一員司官二員筆帖式二員同知一員歲收回子普
兒三千六百餘千抵銀三萬六千餘兩糧一萬四千石

西域圖志卷之三
西域圖志卷之三
以充本城兵餉仍折徵回子布一萬匹解送伊犁備用
稅十分抽一變價充公防兵二百二十協領領之漢兵
二百五十遊擊領之卡倫十二處設侍衛十五員領之
轄回城九地土膏腴糧果多收土產氈緞氈絨金銀絲
絨緞布石榴木瓜膏蘋果葡萄乾皆以充貢

一喀什噶爾回城與鎮城相連極繁盛習技巧攻玉鏤
金色色精巧風尚奢華多妓女嫺歌舞殷實之家亦頗
畜之猶中土畜歌姬也人皆循謹畏法敬官長不似庫
車以東回子悍狃村野而已設三品以下至七品伯克
若干員今其阿奇木伯克為一等輔國公色提巴爾第
也

一英阿薩爾回城在喀什噶爾之南二百里為外藩各
國入回疆之總道最為緊要設總兵一員以鎮撫之土
產稻米二麥麻豆瓜果甚盛今其阿奇木伯克為二品
頂翎之蘇爾坦和卓也

一牌斯巴特回城在喀什噶爾東三十里土產黑礬瓜
果今其阿奇木伯克為海里爾也

一塔什伯里克回城在喀什噶爾西北二百里與布魯

特密邇設四品阿奇木伯克爲散秩大臣布魯特比阿奇木也霍吉占亂阿奇木効力行間有功

上以此地賜之回子亦歸其管轄土產二麥青稞而已一阿拉圖什回城在喀什噶爾東北八十里土田廣沃果木繁茂地下溼宜種今其阿奇木伯克爲貨沙爾也一別什克里木回城在喀什噶爾之東十里人情風土與喀什噶爾同今其阿奇木伯克爲蘇拉拉也

一玉素納爾土什回城在喀什噶爾西北百三十里近雪山故寒今其阿奇木伯克爲巴巴伯克也

一阿爾古回城在喀什噶爾東北百九十里依雪山多雪鷄雪蓮雪蛆雪蟾之類回子不知取用惟取雪鷄以充庖過雪山四日可抵伊犁但春秋冬皆不可行夏或可行然亦無人往來今其阿奇木伯克爲沙莽蘇爾也一握帕爾回城在喀什噶爾西北百八十里與布魯特接壤今其阿奇木伯克爲玉努斯也

椿園氏曰喀什噶爾爲西鄙巖疆與布魯特比隣方其未歸 王化之時布魯特恃其強暴魚肉諸回今新疆底定回子日益富布魯特日益窮又畏 天朝

之威無復敢如嚮日橫肆然而垂涎忌忿之情固有
視之耽耽者矣

西域圖志卷三

西域圖志卷三

外藩列傳上

哈薩克

哈薩克伊犁西北一大國也即古之大宛乾隆二十一
年大兵進勦入其巢穴其汗阿布賴面降歸服王
化受封爵奉正朔人民土宇悉入版圖其地無城郭屋
宇之定居不藝五穀氈帳為家遊牧為業分布散處亦
無愛曼聚落地多平岡漫嶺草生被野綠葉白根長四
五寸牲畜食之易於腓字稱其君曰比相呼皆以名今

其王名阿布賴國人皆呼之爲阿布賴比也幅頓遼廟
人戶殷繁牲畜衆多富者馬牛以萬計羊無算數人共
妻輪流晏處生子至十六歲輒析產予之牲畜使自爲
計宴會以駝馬牛羊爲饌馬湏爲酒器用皆以木爲之
富者用銅錫以衣多爲華美雖夏月炎熱亦被服八九
層而後赴筵最喜中國之磁器茶葉雜色梭布及片金
倭緞之屬得之寶貴細緞綾絹不復愛重矣無刑罰紀
律王之命令亦不甚遵如人有罪則衆共紛議罪小罰
以牲畜罪大則其殺之而分其產亦不必關白於王卽
禦外侮戡鬪之事亦其王與衆約會不願者不相強也
歲有納中國之稅牛馬百取一羊千取一伊犁將軍遣
官入其國徵收其王與頭目人等徵之於衆初則大費
躊躇蓋其人之意以爲天生水草天產牲畜我等自費
經營如何有貢賦之說其王反覆開導然後勉從然亦
未致缺額而今則輸將恐後矣哈薩克兩種其一爲阿
布賴比及其弟阿布爾必斯阿布爾班必竝各台吉所
屬與伊犁撻拉巴哈台連界臣服中國每年驅其牲畜
至邊交易細緞而去其北界之哈薩克又是一種未通

中國人戶尤強盛云

椿園氏曰漢貳師將軍李廣利將數萬之衆出燉煌
萬里殺大宛王取汗血馬三千餘匹身膺侯封當時
神其說者有龍種之號天馬之稱哈薩克地固厯馬
通國計之不啻萬萬之數雖高大多力率多鴛駘調
良俊軼者千不得一烏覩所謂汗血者乎地旣肥饒
宜於遊牧以故富足然地近安集延布魯特時相攻
奪弱者之肉強者之食矣

布魯特

布魯特回子之一部落也地界安集延喀什噶爾之間
地廣人衆稱其君曰比或有管領一二十愛曼者或有
管領二三十愛曼者愛曼人戶卽其阿拉巴圖雖皆爲
布魯特而其比不一各君其地各子其民力敵勢均不
相統轄不蓄一髮如其比死立其比之子若弟他人不
得與也忌猪內衣窄袖敞前襟帽矩方平頂女子插雉
尾以飾帽風俗語言與回疆大同小異氈帳爲居遊牧
爲業以肉爲食牛馬乳爲酒有額魯特之風矣喜中國
之磁茶細布煙酒珍之如寶人貧而性悍輕生重利好

殺掠劫奪勇於戰鬪哈薩克博羅爾皆畏憚之卽準噶爾強盛之時亦不能使之臣服回子出邊及外國人至內疆貿易者往往爲其擄掠而去 大兵平定西域而後始戢不敢騁其各比每年遣使至烏什與參贊大臣請安進 貢

大皇帝馬匹絡繹不絕乾隆二十三年 大兵征討霍吉占其附近喀什噶爾之布魯特比阿奇木震懾 天威帶領所部愛曼人戶阻攔霍吉占悉力與戰

上嘉許其功加其比阿奇木爲散秩大臣授職爲塔什

伯里克回城之阿奇木伯克其餘頭目皆 賞戴頂翎有差今其部下人戶雜處於葉爾羌喀什噶爾烏什之深山密林之中安居遊牧焉

椿園氏曰富則惰淫貧則攘攫西域之習尙然也布魯特地瘠人貧無農桑之利山多磽确乏遊牧之資故其人貧貧則盜盜則習於強梁而無恥所謂無恆產是以無恆心也使麤鼠飽於餘粒鷓鴣穩於一枝則足以窮其伎倆矣

安集延

安集延回子一部落也其汗額得訥最爲著名旣死其弟納拉帕塔立統領四城最大者曰豪罕三萬餘戶爲其汗之巢穴次曰瑪拉噶朗二萬餘戶次曰柰曼萬餘戶最小之城曰安集延千戶耳四城之人皆其汗之阿拉巴圖乾隆二十三年歸附 中國在布魯特之西有城池屋宇村堡田園業耕種土產穀豆瓜果皆備而桃稱獨絕畜牛馬恆圍獵人不畜髮辮禁猪肉衣圓領窄袖帽方無翅其人率居權子母積載貨行賈冒雪霜犯危險經年累歲不獲利不歸內地皆呼之爲安集延回子亦猶各城回子至外國總呼之爲喀什噶爾回子也

椿園氏曰安集延克食米兒皆西域商賈之鄉儉嗇褊急習染成性寄跡回疆土人皆惟恐其去去則其地之貨財不能流通而回人大有不便矣

博羅爾

博羅爾西域別一種也在葉爾羌西以土築屋而居有村落無文字不通回子語言惟衣帽與安集延彷彿其人深目隆鼻繞喙濃髭其風男女無別恆弟兄四五人共娶一妻次第歇宿以靴懸戶上爲記生子女亦以次

第分認無弟兄者與戚里駁之以齒爲序地多砂磧兼
鹵可耕者稀人多苦貧歲收不過二麥一半畝而已多
桑取甚曝乾爲糧或山羊之乳借以餬口馬漚爲酒稱
其君曰比以人爲賦稅凡生子女六七人則納其三四
五人則納其二所賦子女皆鬻於溫都斯坦哈薩克安
集延及內地各回城爲奴婢值頗昂每口以五六十
九千金爲率性怯懦往往爲布魯特沙關記擄掠人口
鬻於他處亦不能校

椿園氏曰雖凶荒災禮之極而回俗無賣男鬻女事

故大戶回人奴僕甚少所有者多是博羅爾子女耳
近年以來土爾扈特霍碩特亦多鬻子女與回人爲
奴良可慨已

教學

教罕一大國也回子謂之克則爾巴什在退木爾沙之
西其地絕長補短方數千里稱其王曰汗城池壯麗人
戶富盛天氣酷熱多雨多奇花異果五金珠玉寶石金
剛石松竹杉皆其土產有瘴氣多猩猩亦通其人言語
巨蟒長虵熊羆虎豹不一而足地產象耕田負重皆取

於象間有牛如中國之象男女聚觀以為罕物風俗淫
佚無人倫尤重男色人人皆有姣童童之袴皆繫束以
細鎖鎖之以防外遇其人種類不一有與內地回子相
似者有與安集延相似者有與額魯特相似者有與土
爾扈特相似者有鬚髮卷曲與鄂羅斯相似者又一種
人亦回子衣帽但日益深鼻益高睛碧色鬚繞頰如蠟
而赤如丹砂多力而橫恣遇有戰陣輒為前鋒無火鎗
弓矢專用木矛沖突於矢石之間矯疾無倫其鬚用茜
草染之以為丰采西域人皆畏之又一種人圓領大袖

衣冠類漢唐之制貌多清秀似朝鮮人或謂是後漢之
遺種云人類雖別各有部落頭目然皆教罕汗之阿拉
巴圖奉其教命而侵凌相尙劫掠成風既大遠於中國
聖人之教又不解佛教慈悲之說嗜殺好利篡奪相循
與溫都斯坦地界毗連各以威力相制迭為強弱乾隆
二十年與中國通歸入 王化
上憫其險遠寬其歲入之常 朝 貢獻亦無定制聽
其抒誠而已

椿園氏曰教罕西域之大國也亦西域之亂邦也種

類不同詐力相同人人有自利之心日日皆逐鹿之
勢篡奪相循自古然矣

溫都斯坦

亦西域回國之大者也葉爾羌西南馬行六十餘日至
克食米爾克食米爾復西南行四十餘日至溫都斯坦
水亦可通兩地貿易之人多資舟楫往來不絕稱其王
曰汗其都城雄壯周圍六十餘里轄大小回城三百七
十餘其人深目高鼻多鬚目睛墨白光如琉璃面黑色
唇青色言語類鳥鳴回子亦不能辨衣敝前襟帽纏花

布厥土黑壤地極溽暑瘴癘爲害人有頭面生贅疣引
之而長放之仍縮者地以象耕服車致遠皆取給於象
有牛馬無駝羊騾驢不解遊牧之事粳糯杭稻及瓜果
蔬菜靡不繁植檳榔枕椰櫻欄橘柚在在成林冬不凋
葉人習技巧金漆雕鏤制作精奇所製玉器薄如蟬翼
文成如髮抽金銀爲絲織紉緞氈布遍貨於西域各國
及各回城所居穴地深數丈旁掘土洞爲室室亦絕精
飾以金玉從無地上起屋蒞園亭之事其城村似曠邈
無人煙處也郭外大澤一山水秀麗花木蔚然居人多

西地開見錄卷三
攜眷乘舟累月經旬游於其內多美釀尚宴會必費數
百金亦多載酒泛舟於澤中者凡其地之公私事務及
一切農工商旅操作交易皆於夜間爲之日出則伏國
既富庶風俗奢靡其地亦有玉山獨少白金價過黃金
也最貴中國瓷器或有攜至其國者爭以白玉盤碗交
易而去惟恐失之而大黃尤爲至寶以黃金數十倍兌
換蓋其地之一切疾病瘡瘍得大黃卽愈百不失一貴
客來及大筵宴皆以大黃代茶人若經年不服大黃則
必死故雖貧苦小回亦必有一半兩大黃囊繫臂前舌
舔而鼻嗅之其地之江河皆通海洋時有閩廣海航到
彼停泊多有以大黃漁利者兩廣福建之物往往有之
或重販至葉爾羌轉入中國矣哈什噶爾回子買得漳
絨一端上有漢字天順字號固閩貨也其國西隅有巨
澤圍數千里澤中有山圍逾千里萬峯聳峙高入雲天
或曰人間第一高山也名曰牽各里麻膽達喇斯山中
產獅子於秋月皎潔輒負雛於山中往來頭大而毛虬
尾形如帚黃質黑章如虎皮長六七丈時登山絕頂望
月垂涎咆哮跳擲猛飛吞月有飛去八九里十餘里而

墜死山谷中者其國人以豢養獅子爲上戶每當秋月其汗使人取獅以精鐵作柱大如瓮密布層遮圍畜之於其中飼以牛時而吼如雷霆滿城震動人畜不寧取之之法擇礮手之最精者開地爲阱人若其中遇有負雛者來乘其不備發礮斃之而取其雛倘一礮不中則拋山裂石人無噍類矣

椿園氏曰乾隆四十年有溫都斯坦之海蘭達爾遊至回疆子晤其人面黑脣青睛如琉璃據云彼乃其地之白皙者耳又云其國之西南數萬里有黑白之人白者如雪黑者如漆國在大海之中得毋卽東粵之所謂黑鬼白鬼者歟因細談其地之事甚詳與予向所聞無異而牽各里麻膽搭拉斯之山高聳至極靈蹟最著其卽古人所言日繞之峯歟顧山雖至高無出沒日月之理四圍皆水舟楫可通亦無所謂弱水焉其地暑而多瘴多雨類閩廣水土惡劣之鄉而山有寶地生毛故人繁而殷富惜乎象省通言不能盡解其說所得考核存據者亦僅參半焉爾

克什米爾

克什米爾回子一大國也葉爾羌西南馬行六十餘日
可至其國中隔一冰山人畜至此須土人駝率而過其
險尤甚於木素爾達坂其人深目高鼻黃睛多鬚衣圓
領窄袖無髮辮飲食尤多禁忌禮拜尤虔語言強半可
通稱其君曰汗所屬回眾近百萬戶城池周三十餘里
時序平和冬無嚴寒夏無酷暑地土饒沃產名香白檀
紫降人多奇巧精於闢瘴之術能於山麓起樓引水逆
上自樓後倒垂前檐如水晶之簾善貨販與利江河之
水多通海洋俗尚宴會喜歌舞娶婦花燭之父輒先有
物入洞房新婦輒昏耆聽其淫污而去亦不知爲何物
從古至今萬干不爽天時和正山水娟秀溫都斯坦之
富商多有家於其地者

椿園氏曰嘉峪關外多流沙之水間有水泉卽回人
聚居之所餘皆戈壁益西萬里逾布魯特之境莫不
皆然雪山之陽一派沙石兀突怪惡不可形容聞之
金寶之山其上不生草木信乎至克什米爾以西以
北時旣清淑山川亦皆秀麗別有天地矣而溫都斯
坦敖罕各國極熱冬雨無霜雪一切飛潛動植與中

國之闊廣無異豈以其近海之故歟人習工巧製造亦詭異精奇且多術士南宮蛙虻之法五通青蛙之類往往而有焉

巴達克山

巴達克山回國也在葉爾羌西馬行三十日可至其地羣山環繞田土膏腴築室以居耕田而食亦有牧放圍獵之利禁猪肉衣帽同安集延稱其君曰汗愛曼人戶四五萬皆其汗之阿拉巴圖風尚淫蕩喜男色土產米豆棉花瓜果寶石黃金乾隆二十三年霍吉占叛兵

葉爾羌敗走巴達克山欲奔溫都斯坦其汗蘇爾坦沙率兵截路與之拒戰霍吉占及其兄布拉敦皆死輜重眷屬悉爲蘇爾坦沙所獲竝霍吉占弟兄之尸獻之中國遂蒙

上賞而布拉敦之子薩木薩克與其黨千人突圍走退木爾沙退木爾沙之汗留之因唆令退木爾沙之汗向蘇爾坦沙索取人口不與兩國遂成仇敵互相戰鬪相持二年之久巴達克山大敗爲退木爾沙所族滅回衆盡遭擄掠近年以來其逃亡人口漸集故地復有千餘

戶矣

椿園氏曰蘇爾坦沙強力勇鬪之人也卒以獷悍之故一敗塗地地方其與退木爾沙交惡也雖衅端開於薩木薩克而兩國交戰實各有利心夫西域諸國之互相仇殺非必利其土地以擴疆宇也非必臣其人民以歸編戶也不過取其財貨分肥以爲利掠其人

退木爾沙

退木爾沙巴達克山之西一回國也人七萬餘戶地悉

萬山之中草肥水甘牲畜蕃息以氈帳爲家游牧爲業稱其君曰汗國無貧乏之人而强悍性成劫掠成俗帽方而上平鞞以牛羊革爲之衣敝前襟窄袖束腕有布魯特之風乾隆二十三年布拉敦之子薩木薩克逃至其地其汗留之後因而滅巴達克山敖罕聞之大怒曰退木爾沙巴達克山原係隣好素無仇隙柰何因他人之事自殘脅齒不義孰甚因大起甲兵往侵退木爾沙一鼓而滅之退木爾沙之汗亦被夷族之禍薩木薩克被擒今其所革者亦止千餘戶耳

西垣聞見錄卷三
椿園氏曰螳螂捕蟬而黃雀伺於其後黃鳥機深而
彈丸起於其旁自非明智開通鮮不驅諸陷阱況回
人之惟利是圖不恤其餘者哉退木爾沙以膏腴險
固之邦十萬精強之衆使其保境安民何至一朝殄
滅顧乃衅端起於小忿兵戎動以無名卒之身死國
亡同歸殲滅不必更笑其愚且堪取以爲戒矣

沙關記

沙關記者葉爾羌回子也爲霍吉占之黨羽 大兵底
定回疆霍吉占弟兄伏誅沙關記逃至外藩無人之境
苟延性命同時逃竄之回子及額魯特人等漸集其地
羣推沙關記爲君有衆五千人鐵甲三百副烏鎗五百
桿踞空闊之地起屋宇墾土田漸加殷庶其人兇暴喜
殺常爲中外貿易商旅之害夙與葉爾羌阿奇木伯克
鄂對本係仇讎乾隆四十一年鄂對之貿易回子悞入
其地沙關記卽行擒縛畏 天朝之威不敢殺戮置之
地牢中四十日沙關記忽自將其父母妻妾子女盡皆
綁出喚出鄂對之貿易回子令其看視而問曰鄂對在
葉爾羌敢殺人否回子曰有 天朝之法度在不敢私

西遊記卷之三
殺人沙關記曰鄂對且不敢殺人如何算得好男子我
不但敢殺人且敢殺我之父母妻子遂俱行凌遲放鄂
對之回子歸葉爾羌使告之鄂對沙關記之利害如此
後沙關記之回子亦被鄂對捉得置地牢中六十日放
出令其徧觀城池人戶牲畜器械寶玉藥器紉緞之類
亦使其歸告沙關記鄂對之利害如此其地在葉爾羌
西馬行三十餘日沿途以馬通爲炊沙雅爾伊什罕伯
克阿拉呼里隨將軍兆惠平定葉爾羌時曾奉令往探
其地因戈壁甚大無柴草故未能進兵勦滅也

塞克

塞克西域一大國也在教罕西絕非回子種類稱其王
曰汗部落數百處各有統轄之人皆其汗之阿拉巴圖
事權歸一無跋扈叛弒之事城池巨麗人民殷庶居室
寬敞整潔人家院落中各立木竿向之禮拜冬夏和平
風俗坦白尙宴會喜歌舞以諸肉爲上饌野牲爲常食
人多力善射發必命中佩標鎗五枝長四五尺取物於
百步之外與教罕稱勦敵也

椿園氏曰塞克西域最遠之國去葉爾羌二萬餘里

西北與控噶爾薩穆接壤或曰與阿喇克等國大牙
相錯大抵皆世俗所傳之大西洋也然而塞克之邦
風朴民淳人無欺詐尚氣節敦廉恥不得以荒遠而
鄙夷之也

西域聞見錄卷三

西域聞見錄卷四

外藩列傳下

鄂羅斯

鄂羅斯北邊之大國也東界海南界中國西北隣控噶
爾東西距二萬餘里南北窄狹自千里至三千餘里不
等稱其王曰汗自鄂羅斯之察罕汗歿無子國人立其
女爲汗嗣後皆傳女迄今已七世矣仍襲其祖名號故
國人猶稱爲察罕汗也其女主有所幸或期年或數月
則殺之生女畱承統續謂其汗之嫡嗣也生男則以爲

他人之種也其人深目高鼻睛碧鬚髮黃赤男女皆蓄
髮男髮頻以膠水刷之使其卷曲女髮梳爲高髻男衣
縛身徧體扣繞女衣裙衫袍袖悉如漢裝但不纏足耳
無褻衣故裙長而兩襲以銀爲錢鑄文肖其汗之面重
七錢餘謂之阿拉斯朗以洋算成歲分至啟閉建閏日
月蝕織社無差喜樓居有四五上者其梁柱頂壁皆用
木密灌油灰不需瓦葺而金粉雕鑿極盡人工開窗四
透或飾以各色玻璃鑲金銀絲以隔蔽之次用其國之
田皮紙率皆修整可觀木多易遭回祿故火禁最嚴一
有不虞則萬家灰燼室中皆牀几椅案酷似南方男女
皆不能盤膝坐一日兩浴見親友賓客無跪拜揖讓之
儀惟接吻以爲禮嗜茶然必調糖而飲啜之食以麥麩
爲常饌魚爲上品猪次之以大苜爲佳味人人嗜之穀
米則充牲畜棧豆而已都城雄壯圍數十里官制文武
皆懸刀爲佩刀柄有五金銀銅錫鐵之區別官階等級
視其刀柄而知其民皆耕田納稅三丁抽一五丁抽二
以爲兵兵各有營自十六歲入營給伊馬匹器械卽不
準歸家不娶妻日居營中習學訓練遇有戰陳之事則

隨其將領而去月支阿拉斯朗錢一文糧一石年至五十而後出伍刑罰極嚴男犯盜女犯姦殺人不問謀故鬪悞以及出邊私入別國者概以斧剝殺之其國名山大川甚多地之肥沃鹵鹵亦錯雜不齊土產白糖冰糖紙茶噶拉明鏡玻璃元狐黑貂狍獾銀鼠灰鼠海龍水獺但金銀缺少其餘果蔬之類咸備鄂羅斯本控噶爾屬國稱臣納貢由來已久乾隆二十年後察罕汗恃其強大不復稱臣缺其貢獻復興兵擾其邊境以故兩國連兵數年不解鄂羅斯累遭大敗喪師二十餘萬因而大困力不能支仍復稱臣常貢之外歲增納童男五百童女五百而後罷兵其俗最重君臣之義如其汗雖無道之極亦無有敢議其是非者自古無叛逆篡奪之事一姓相傳不知其幾千年視他國之朝夕易姓者相懸矣案西北域記鄂羅斯一名羅刹古丁零國也夜短晝長多江湖通舟楫土產五穀六畜百果諸蔬及玻璃色氈金紙白鐵紅黑牛皮皮毳之屬其人皙而隆準深眶綠睛亦有黑睛者漢李陵之裔也卷髮赤鬚衣止裹身履無前齒嗜酸辛食杯酌餐葦蘘飯柜枋橫板爲屋

柵木爲城鑄銀爲錢編石爲簡其教宗耶蘇康熙年間始與中國通遣其俊秀入我國學譯業受四子書而去乾隆二十年後以阿睦爾薩納之故土爾扈特之嫌復絕其貿易不復與通

椿園氏曰鄂羅斯雖爲大國而地形長狹無率然環顧之勢且介乎中國控噶爾之間議守之處太多故僅足自立乾隆二十年後與控噶爾連兵不解控噶爾用荀瑩故智東西疊駕虛實聲擊致鄂羅斯地境瓜分棋判往來救援疲於奔走然後控噶爾大舉入

境圍其國都數千年相傳之統幾至夷滅迨稽顙稱臣歲增朝貢幸控噶爾仁慈不輕滅人之國舍之而去則察罕汗不知度量不察形勢之所致也有國家者軍旅之事可不慎哉然其愛國忠君之義親上死事之風君子固有多之者矣

控噶爾

控噶爾西北方回子最大之國地包鄂羅斯東西界之外稱其王曰汗其大頭目亦謂之阿奇木伯克所轄各城自萬戶至十餘萬戶不等均爲其汗之阿拉巴圖合

各城計之小屬於大每一大城屬小城或三或四以至十餘大城阿奇木伯克共計一千四百餘員建都之城名務魯木極廣大南北經過馬行九十餘日東西亦然城門二千四百城內大江三山河藪澤不可勝計宮室闊遠深邃綿互數十百里黃屋朱門皆以金玉珠貝爲飾地產金銀多於石子珊瑚珠玉數見不鮮自鳴鐘表綉緞氍毹尤多奇異俗重大紅寶石如拳如卵者人人懸佩黃金爲錢每文重二兩許居人田園廬舍墳墓牧場各分地界散布而居各種公田猶是古井田法所轄之地有不富饒者其汗聞知輒親往巡視攜金銀無算潛拋擲於人煙聚集之區如金銀徧地間有拾取者尚謂無害如拾取人多甚至爭拾其汗則惻然而憫惕然而懼因廣爲施濟必致比戶豐裕而後已故入其地者曾未有一貧窶襤褸之人千求借貸之事風俗敦厚知禮讓彝倫攸敘與中國不殊迥非西域各國禽行獸處之比唯敬天地日月不知有神鬼仙佛聖人之道每日黎明男女禮拜唵經之聲雷動猶天主教之風最戒軍事其說以天地生人無非同類柰何以人殺人自殘

同類之理故國雖富強從無侵凌附近弱國之事而兵則精銳鳥鎗可及二百餘步以死敵爲勇敗而歸者終身不齒於人數其兵無入伍食糧之事入爲農出爲兵訓練皆於農隙亦同三代以上法也如有軍事其汗量敵之大小命其阿奇木伯克或一人或二三人各選其部下壯丁前往應敵鄂羅斯本其屬國歷有年所乾隆二十年後鄂羅斯停其貢賦七年未嘗責問而鄂羅斯反以兵相加控噶爾撥兵大戰鄂羅斯全軍覆沒喪師八萬察罕汗又起十萬之衆更借土爾扈特精兵數萬

與控噶爾再戰又復大敗以故土爾扈特大懼於乾隆二十五年棄鄂羅斯而投誠中國而控噶爾戎兵數十萬出境長驅直壓鄂羅斯國都察罕汗大恐求和稱臣定於常幣之外歲納童男女各五百人控噶爾許之乃舍去或曰控噶爾西界亦多其屬國歲修朝貢之禮如鄂羅斯云

椿園氏曰控噶爾唯知天地日月無神聖仙佛之說蓋西北則咸尊天主之教矣至其國富民殷人無詐僞仁而戒殺故人親其上無敵於四國孟子曰仁者

無敵固不在華夏戎狄也

郭罕

郭罕西域回子之一國也風俗衣冠居室土產與新疆回子略同唯語言不通在葉爾羌西馬行四十日可至稱其君曰汗其人短小男女皆長二尺餘魁梧俊偉者亦不能過三尺然尚氣好鬪少有不合卽裂眦相向有笑其么麼者則抽刀併命怒不可解其地萬山環繞一夫當關百夫莫過故雖小弱能自立於西域各國之間羊高八九寸長尺餘正美勝於他產牛馬高不二尺駝之大如內地之驢時驅其羊數千或數萬來葉爾羌貿易歸則攜布茶而去

椿園氏曰夙聞異域有僬僥之國人皆三尺東方曼倩以西北大荒有小人之國朱衣元冠長皆七寸海鶴食之郭罕豈其苗裔歟又聞其地麥顆大如芝麻白楊高於江葦乃人小而一切飛潛動植之物亦從之而收縮其天地雜氣之所鍾聚乎

退擺特

退擺特西域別一種也在葉爾羌南馬行四五十日至

其地土宇與後藏相接無城郭宮室鑿山爲穴以居種
米麥以食又有以游牧爲生者則以氈帳爲家人蓄辮
髮耳綴金環其俗敬火每晨以柴燒火向之禮拜有事
亦叩而禱之地斥鹵少出產富者僅足自給貧者多傭
工於他國勤儉刻苦出自天性稱其君曰汗卽汗亦不
能饒裕惟取所部子女鬻於各處爲奴取其值以自贍
與博羅爾相似

椿園氏曰退擺特之人敬火其說以天生五穀地產
牲畜非火人何出而食之人之所以生火養之也固
爲荒陋偏僻之論然習之所尙漫以成風母亦燧人
氏之苗裔歟而辛勤自刻西域所不及則民勞思善
之謂矣

轄里薩普斯

轄里薩普斯在喀什噶爾之西馬行三十日至其地大
城有三皆其汗之阿拉巴圖土產百果五穀六畜黃金
人多巧思且多妖法邪術風俗淫惡男女皆龍陽其塔
里扈魯斯城內有一土阜居城之中央他國之人入其
城者一見高阜輒心神恍惚必欲登臨而後快登之則

必欲至其巔至其巔則瞽不知人逾時始蘇手握銅錢
二文下體已爲人所汚西域回子皆畏而避之而誤入
被姦者正復不少但多諱而不言耳葉爾羌大阿渾阿
布都哈爾庫車回子阿瓦茲皆曾遇此強暴人問之則
怒不可解而飲酒過醉往往自道其實而聞者無不絕
倒

椿園氏曰回地有鷲里之妖好棲人屋宇爲祟中之
則發狂疾惑男則女惑女則男人形長四五寸病者
見之他人不之見也回子中有能勅勒而制之者名
曰鷲里渾制之之法取住人支解之其妖卽滅鷲里
渾復呪誦數次則支解之人斷體自續而復生毫無
所苦自歸 王化以來不復敢支解人惟施之羊犬
無非邪魅之習至以術行淫則人而妖矣以術行污
穢之淫亦妖所不爲者矣

哈拉替良

哈拉替良在安集延之南重山複嶺之中人戶寡弱不
足六七千家稱其君曰比不蓄寸髮不食豬肉衣帽言
語與安集延同氈帳爲居打牲爲業冬日嚴寒人皆覓

山坳溫煖之處以大木蘆荻構屋而居人畜其處其中
蓄糧聚草以禦冬寒至十月雪已盈丈三月雪融始可
出作地產獨峯之駝

椿園氏曰哈拉替良居雪山陰奧之區雪至盈丈歲
之常耳大雪之年有厚至二十丈以外者人畜皆灾
矣所可喜者强大之國以其寒苦不屑取之故常享
太平雖弱小而能存也

布哈拉

布哈拉回國也托葉爾羌之西馬行二十五日可至城

池闊大堅厚周圍十二門以十二辰布之稱其君曰汗
氣候炎熱冬無大雪五穀一歲三收瓜兩熟入戶殷富
習尚技巧錢有金銀銅三品分別濟用重禮拜城內外
禮拜寺二百餘處晝夜納馬茲數十次有私行飲酒遊
蕩不納馬茲者羣以爲敗類縛至禮拜寺塙頂擲殺之
男女好修飾其河產各種之魚土產重骨羊

椿園氏曰風俗移於好尚萬里應之如響京師貴骨
重羊之皮爲冠爲裘一時從風而靡其羊短小肉薄
但骨重耳黑者極多灰者十不得一皆產於布哈拉

之地初不甚牧養自通中國以後大獲其利至今安
集延西南諸國填山寒谷皆重骨羊羣也

附絕域諸國

瑪轄堤絕域一大國也都城八門稱其君曰汗地廣大
肥沃土產同布哈拉多虎豹屎象洋磁白糖栽毯金花
白布善製大礮以銅爲之一礮非十象百人不能挽運
每礮盛火藥數萬觔礮子之大者皆重二三百觔羣子
無算一發則掀天裂地威猛至極呼之曰按布拉克又
有自來火鎗可及二百步路通海洋與西洋近

安他哈爾之城看他哈爾之城絕域部落也多山人以
松子核桃爲糧打牲爲業產白礬鉛鐵

賽拉斯之城查爾丹衣之城絕域一部落也以氈帳爲
家地多山石沙壙可耕者稀牲畜少人戶窮苦往往乏
食以盜劫爲生無鳥鎗弓矢人佩腰刀一柄山中生一
種野獸形似馬頗調良可施羈勒以乘行如星電日可
千里名曰特克亞圖其人懸刀騎獸四出劫掠遠近苦
之言語與回子可通

噶拉特之城查納阿拉巴特之城摩勒之城同一部落

也言語與各國不通人以茜草染鬚居大水之湄牧放牲畜千萬爲羣食必有魚呼其水曰阿曼多龍龜有徑十丈魚有長千丈者水鹹苦甘泉亦間有之

烏爾古特雅爾一部落也人皆同回子土產西瓜甜瓜最佳西域所產無出其右者長及七尺有圓大如車輪者沙棗之六如梨

盤家截特之城帕爾海之城同一部落也山多牲少所種小麥色白如粉大麥碧綠桑椹有赤白黑綠四色皆大五六寸國人賴以爲糧衣帽如回地阿渾之製語言

約略可通

巴喇哈絕域一大國也地廣民殷土產各色寶石玻璃鐵白如銀五穀六畜百果諸花皆盛四時常有赤蟒飛舞空中噴熱風如火人觸之輒斃惟多食葱蒜大茴庶幾得免故其人頻頻啖之又產獨角野羊多水牯風俗浮亂語言與回子不通

科罕西域一國築室以居耕田而食能造旨酒琥珀色味極清芳人富饒以金銀絲緞噶拉明鏡爲衣倭緞爲緣以金銀絲繡之衣多紅黑二色以海龍爲帽帽長三

尺餘皮鞞木底底下密鐵釘不解騾馬人乘牡馬而行
風俗獷悍往往殺人時與哈薩克交易通貿販

阿薩爾之城哈拉多拜之城巴拉之城哈喇他克之城
同一部落也以豆爲飯土產寶石玻璃駱駝如驢國有
一河飲之則癆男女滿面如毛頭纏光明錦布子壯則
多殺其父

噶爾洗別一部落也地廣人稀多高山產獅象其人終
日謀醉男女皆然

薩穆絕域一大國也土地廣大亞於控噶爾居室修潔

織異鳥之羽爲衣光彩奪目

阿拉克控噶爾西北一大國也與薩穆相類人多巧思
冬能使之炎熱夏能使之飛霜以金木製爲人形爲之
服役然非邪詭之術皆人力爲之


哈他木絕域一國人多力善射矢不虛發地介鄂羅斯
控噶爾之間係控噶爾屬國

阿諦在北海之濱與控噶爾連界其人皆長三四丈無
屋宇多處山坳林麓之間無火器而有弓矢刀槊矢及
一里餘然性極懦弱畏金鼓之聲其婦女長短一如人形

且悉豔麗姣好與長人爲夫婦但不能生育耳育必浴於河中而後成孕生女如常生男則數丈矣喜生啖人畜常如控噶爾戰得人馬則裂而啖之控噶爾喜其婦人端麗往往千百成行鳴金伐鼓奮勇而前施放鎗礮煙火彌漫其人皆戰慄恐怖竄匿深山控噶爾亦不窮追但擄其婦女而歸

扎那巴特之城色里丹衣之城別什克里之城阿色里巴拉之城同一部落也地多石山其人於山下取土移之山上而後耕種杏大色白而甘芳絕倫桑椹尤大人資之爲糧冬夏僅皮衣一領男女褊身皆毛冠而不視

西域圖志卷四



C. NARAHARA
陳政
庫

No

百七十四



